

- Përkundër kërkesave të Institucionit të Avokatit të Popullit, edhe pse është venë në dijeni organi që ju përfaqësoni nuk është munsësuar deri më sot përmbushja e detyrimit ligjor në marrëdhënie me Institucionin e Avokatit të Popullit.

Pa shkak të bërë të ditur, ZVRPP, Vlorë, nuk ka përmbushur në afat detyrimin ligjor si dhe nuk përmbush detyrimin për dhënien e informacionit të kërkuar, konform sanksionimit të kryer në nenin 63/4 të Kushtetutës së Republikës të Shqipërisë, nenin 19 të ligjit nr.8454, datë 04.02.1999, “Për Avokatin e Popullit”, të ndryshuar.

Edhe pse ju z.Kryeregjistruer, nuk keni reaguar për ndryshimin e situatës së parregullt të krijuar nga veprimtaria e punonjësve të ZVRPP, Vlorë, regjistruesi i kësaj Zyre vijon mbajtjen e qëndrimit mosbashkëpunues.

Përkundër kësaj situatë, si më sipër prezantuar, qëndrimi i punonjësve të ZVRPP, Vlorë, është tregues i shkeljes së parimit të ligjshmërisë, transparencës, informimit, dhënies së ndihmës aktive, drejtësisë dhe paanësisë, përgjegjësisë, deburokratizimit dhe efijencës, sikurse parashikuar në nenet 4, 5, 6, 10, 13, 14, 15, dhe 18, të ligjit nr.44/2015, “Kodi i Procedurave Administrative i Republikës së Shqipërisë”, të detyrueshme për zbatim në kuptim dhe zbatim të parashikimeve të nenit 1 të këtij Kodi.

Qëndrimi i mbajtur prej Regjistruerit të ZVRPP, Vlorë, në procesin e regjistrimit të titullit të pronësisë, Vendimit nr.65, datë 10.08.2017, të nxjerrë prej Kryetarit të Bashkisë, Himarë, ka cënuar dhe cënon marrëdhëniet juridike të vendosura me ligj për regjistrimin e titujve të pronësisë, të cilat sigurojnë jo vetëm veprimtarinë e rregullt të organit shtetëror, por dhe mbrojtjen e interesave të ligjshme të shtetasve apo të shtetit, të mbrojtura posaçërisht nga legjislacioni penal kundër veprimeve ose mosveprimeve kriminale.

Qëndrimin e derisotëm të mbajtur nga ana Regjistruerit të ZVRPP, Vlorë, e vlerësojmë në cënim të së drejtës së pronësisë, parimit për zhvillimin e një procesi të rregullt ligjor, sikurse sanksionuar respektivisht në nenin 41, 42/2 të Kushtetutës, nenin 6/1 të Konvetës Europiane e të Drejtave të Njeriut (miratuar me ligjin nr.8137, datë 31.07.1996), nenin 1 të Protokollit nr.1 të Konvetës, si rrjedhojë e mosdhënies së shpjegimeve dhe informacionit të kërkuar apo dhe mosmarrjes së masave në afatin e vendosur për lëshimin e dokumenteve të pronësisë në favor të subjektit ankues.

Përpos situatës së prezantuar, konstatohet se, Regjistruesi i ZVRPP, Vlorë, nuk ka përmbushur dhe nuk përmbush detyrimin ligjor në marrëdhënie me Institucionin e Avokatit të Popullit, duke u bërë në këtë mënyrë penges për Institucionin e Avokatit të Popullit, në ushtrimin e detyrës për mbrojtjen e të drejtave, lirive dhe interesave të ligjshme të individit nga veprimet ose mosveprimet e paligjshme e të parregullta të organeve të administratës publike, në mënyrë sa më efijente dhe në një afat sa më të arsyeshëm

Për arsyet e bëra të ditura, në përputhje me nenin 63/3 të Kushtetutës së Republikës së Shqipërisë, në të cilin sanksionohet se; “Avokati i Popullit ka të drejtë të bëjë rekomandime dhe të propozojë masa kur konstaton shkelje të të drejtave dhe lirive nga Administrata Publike”, si dhe nenit 22 të ligjit nr.8454, datë 04.02.1999 “Për Avokatin e Popullit”, të ndryshuar,

REKOMANDOJMË

Marrjen e nismës për fillimin e procedimit disiplinor ndaj punonjësit/ve të Z.V.R.P.P. Vlorë, i cili nuk ka përmbushur dhe nuk përmbush detyrimin ligjor në marrëdhënie me Institucionin e Avokatit të Popullit apo me subjektin ankues

Në përfundim të shqyrtimit të rekomandimit, konform parashikimit të kryer në nenit 22 të ligjit nr. 8454, datë 04.02.1999 “Për Avokatin e Popullit”, i ndryshuar, kthimi i përgjigjes duhet të kryhet brenda 30 ditëve nga data e dërgimit të kësaj shkrese.

Bashkëlidhur ju dërgojmë;

Kopje të shkresave nr.K3/M25-2 Prot, datë 06.09.2018, nr.K3/M25-9 Prot, datë 01.10.2018, nr.K3/M25-10 Prot, datë 05.11.2018, të Institucionit të Avokatit të Popullit drejtuar Regjistruesit të ZVRPP, Vlorë.

Kopje të kërkesave (aplikimeve) nr. 25730, datë 03.10.2017 dhe nr. 6512, datë 08.06.2016 të kryer prej ankesit M.N. pranë ZVRPP Vlorë..

Kopje të Vendimit nr.65, datë 10.08.2017, të nxjerrë prej Kryetarit të Bashkisë, Himarë, së bashku me plan rilevimin e pronës të kaluar në pronësi.

KOMISIONERI

Arben SHKEMBI

**Konceptoi dhe Daktilografoi
A.Gjoleka**